



Broj:

Sarajevo, 22.5.2019.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r Borjana Krišto, predsjedavajuća

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22-05-2019			
Organizaciona jedinica	Klasifikaciona oznaka	Redni broj	Broj priloga
01	02-2	1025	1/19

Predmet: Prijedlog deklaracije o osuđenima za ratne zločine na prostoru Bosne i Hercegovine u periodu od 1992. do 1995. godine, dostavlja se

Na osnovu člana 165. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15), kao ovlašteni predlagač, dostavljam **Prijedlog deklaracije o osuđenima za ratne zločine na prostoru Bosne i Hercegovine u periodu od 1992. do 1995. godine**, radi razmatranja i usvajanja u Predstavničkom domu Parlamentarne skupštine BiH.

U prilogu dostavljam tekst Deklaracije na bosanskom jeziku, u skladu s odredbama Poslovnika Predstavničkog doma Parlamentarne skupštine BiH.

S poštovanjem,

Poslanik u Predstavničkom domu i
predsjedavajući Kluba poslanika SDA u
Predstavničkom domu Parlamentarne skupštine BiH

dr.sc. Adil Osmanović

Pozivajući se na civilizacijske vrijednosti da pravosnažno osuđeni ratni zločinci ne smiju biti afirmisani u široj društvenoj zajednici kao heroji i osobe vrijedne poštovanja, a naročito da ne trebaju biti uzor dolazećim generacijama,

Zabrinuti zbog dodjele odlikovanja, nagrađivanja i veličanja pravosnažno osuđenih ratnih zločinaca, te nazivanja javnih objekata po njima,

Izražavajući poštovanje i saosjećanje prema žrtvama ratnih zločina i razumijevanje za njihove porodice koje takve aktivnosti duboko vrijeđaju,

Svjesni štete koja može nastati po međunarodni ugled Bosne i Hercegovine jer se u pojedinim dijelovima zemlje ne poštuju i dovode u pitanje pravosnažne presude međunarodnih i domaćih sudova;

Protiveći se svim radnjama koje za cilj mogu imati umanjenje ili zanemarivanje počinjenih ratnih zločina na prostoru Bosne i Hercegovine u periodu 1992 - 1995. godine;

Zalažući se za afirmaciju kulture sjećanja i vraćanje povjerenja među narodima i građanima Bosne i Hercegovine, s ciljem da se nikada ne ponove zlodjela kakva su počinjena u periodu 1992-1995,

Na osnovu člana IV. 4 (e) Ustava Bosne i Hercegovine i člana 165. stav (2) tačka a) Poslovnika Predstavničkog doma Parlamentarne skupštine Bosne i Hercegovine (Službeni glasnik BiH“, br. 79/14, 81/15 i 97/15) Predstavnički dom Parlamentarne skupštine Bosne i Hercegovine je na _____ sjednici, održanoj ____ . ____ 2019. godine, usvojio je:

DEKLARACIJU O OSUĐENIMA ZA RATNE ZLOČINE NA PROSTORU BOSNE I HERCEGOVINE U PERIODU OD 1992. DO 1995. GODINE

1. Potvrđujemo da je Bosna i Hercegovina demokratska država u kojoj se poštuje princip vladavine prava; te da svi građani BiH, javna i privatna pravna lica imaju obavezu da u cijelosti poštuju sve pravosnažne presude domaćih i međunarodnih sudova, a naročito one koje se odnose na ratne zločine.
2. Pozivamo sve u Bosni i Hercegovini da ni na koji način ne dovode u pitanje i da ne iskazuju nepoštivanje prema pravosnažnim presudama za ratne zločine na teritoriji BiH, a naročito na način da se osobama

osuđenim za ratne zločine dodjeljuju priznanja, nagrade i privilegije, i da se po njihovim imenima nazivaju ulice, trgovi, institucije i ostali javni objekti.

3. Pozivamo institucije u BiH koje su ranije donijele odluke o dodjeli priznanja, nagrada i privilegija, ili odluke o imenovanju javnih objekata po presuđenim ratnim zločincima, da takve odluke ponište i stave van snage.
4. Pozivamo Vijeće ministara BiH da hitno izradi i u parlamentarnu proceduru uputi prijedlog Zakona kojim će se zabraniti i sankcionisati negiranje genocida, holokausta i drugih ratnih zločina utvrđenih pravosnažnim presudama domaćih i međunarodnih sudova, kao i glorificiranje ratnih zločina i zločinaca;
5. Pozivamo nadležne institucije na svim nivoima vlasti u Bosni i Hercegovini da koordiniraju aktivnosti u pogledu provođenja ove Deklaracije;
6. Ova Deklaracija stupa na snagu danom donošenja, a objaviće se u "Službenom glasniku Bosne i Hercegovine".

Broj: _____
Datum: ____ . ____ 2019. godine

Predsjedavajući
Predstavničkog doma
Parlamentarne skupštine BiH
